



CONCELLO DE CARBALLO
PRAZA CONCELLO S/N
SAN XOÁN BAUTISTA
15100 - CARBALLO
CORUÑA (A)

Expediente nº: IF204A/AC/2024/0329

A súa referencia: 2024/U039/000004

Asunto: **Resolución de autorización na zona de dominio público e/ou nas zonas de protección da estrada AG-55**

Solicitante: CONCELLO DE CARBALLO

Obras, instalacións ou realización de actividades para as que se solicita a autorización: Acondicionamento do acceso Norte do Polígono de Carballo

Concello: CARBALLO

Estrada: AG-55

PQ inicio: 29+396

Marxe: Ambos (no sentido de avance da quilometraxe)

ANTECEDENTES

1. O 16/02/2024 recibíuse neste servizo a solicitude do CONCELLO DE CARBALLO, na que solicitaba a autorización para o acondicionamento do acceso Norte do Polígono de Carballo.
2. Con data do 14/06/2024 o Servizo de Concesión de Obra Pública informa a solicitude.
3. O 28/07/2024 o enxeñeiro facultativo deste servizo emitiu un informe sobre a solicitude presentada.





NORMATIVA APLICABLE

1. Lei 8/2013, do 28 de xuño, de estradas de Galicia (DOG 12/07/2013) e as súas modificacións. En adiante LEG.
2. Decreto 66/2016, do 16 de maio polo que se aproba o regulamento xeral de estradas de Galicia (DOG 20/06/2016) e as súas modificacións. En adiante REG.
3. Lei 39/2015, do 1 de outubro, do procedemento administrativo común das administracións públicas (BOE 02/10/2015). En adiante LPAC.
4. Lei 40/2015, do 1 de outubro, do réxime xurídico do sector público. (BOE 02/10/2015). En adiante LRXSP.
5. Prego de prescricións técnicas xerais para obras de estradas e pontes.
6. Orde do 16 de Xullo de 1987 pola que se aproba a norma 8.2-IC Marcas Viarias.
7. Orde do 31 de agosto de 1987 pola que se aproba a norma 8.3-IC Sinalización de obra.

CONSIDERACIÓNS LEGAIS E TÉCNICAS

1. De acordo co artigo 47.1 da LEG, a execución de obras, instalacións ou a realización de calquera outra actividade na zona de dominio público da estrada ou nas súas zonas de protección está suxeita ao deber de obter a correspondente autorización previa.
2. O obxecto da solicitude presentada cumpre co sinalado na LEG e o seu regulamento, segundo o informe técnico do enxeñeiro facultativo de data 28/07/2024.
3. O artigo 43.1 da LEG regula os usos autorizables na explanación da estrada e na dos seus elementos funcionais. En particular, permite autorizar:
 - f) Elementos, obras, actuacións e instalacións necesarios para que as administracións públicas poidan exercer as súas competencias, cando pola súa natureza ou funcionalidade non poidan ter outra colocación.





De acordo co indicado, **RESOLVO:**

Autorizar ao CONCELLO DE CARBALLO no que respecta á competencia sectorial en materia de estradas, a execución das obras de acondicionamento do acceso Norte do Polígono de Carballo no P.Q 29+396 da estrada AG-55 no concello de CARBALLO.

Esta autorización axustarase ao disposto pola Lei de estradas de Galicia e a seu regulamento, ademais do cumprimento das seguintes **condicións:**

CONDICIÓNS PARTICULARES:

1. As obras solicitadas no p.q. 29+396 en ambas marxes da AG-55 consisten en: Acondicionamento do acceso Norte do Polígono de Carballo. As obras proxectan sobre a marxe dereita sentido crecente AG-55, afectando ás zonas de dominio público, servidume e afección.
2. As obras consisten en:
 1. Limpeza das marxes, refino e planeo do camiño, desmonte de explanación.
 2. Formación terraplén, explanación solo cemento, estendido de saburra e MBC de 5cm de espesor.
 3. Pintado de marcas viais.
3. As obras non afectaran ao paso sobre a AG-55 no PK 29+396.
4. Os traballos non poderán afectar ao curso das augas pluviais existente no entorno da autoestrada nin ao sistema de drenaxes existente de maneira que poidan afectar á infraestrutura.
5. Os responsables das obras comunicarán o inicio das mesmas a AUTOESTRADAS DE GALICIA, Área Mantemento Zona Norte, no teléfono 981.780.109 có fin do control e seguimento dos traballos.
6. As obras deberán estar rematadas no prazo de vinte e catro (24) meses, que se empezará a contar a partir do día seguinte da notificación da resolución. No caso de non poder executalas no prazo establecido deberá solicitar unha prórroga con antelación suficiente á finalización do prazo establecido.





CONDICIÓN XERAIS:

1. A autorización outórgase a reserva das demais licenzas e autorizacións necesarias, sen prexuízo de terceiros e deixando a salvo os dereitos preexistentes sobre os terreos ou bens. Non suporá en ningún caso a cesión do dominio público, nin a asunción pola administración titular de ningunha responsabilidade respecto da persoa titular da autorización ou de terceiros.

A administración titular da estrada poderá, en calquera momento, modificar ou suspender temporal ou definitivamente a autorización cando a actuación produza danos no dominio público viario, por incumprimento das condicións da autorización, por poñer en risco a seguridade viaria ou cando se alteren os supostos determinantes do seu outorgamento ou cando resulte incompatible con normas aprobadas con posterioridade.

2. Esta autorización entenderase outorgada a **precario** na parte na que afecte á zona de dominio público.

As autorizacións outorgadas para a realización de obras, instalacións ou actividades na zona de dominio público poderán ser revogadas unilateralmente polo órgano que as outorgou en calquera momento por razóns de interese público, sen xerar dereito a indemnización, cando sexa necesario por motivo de calquera obra que vaia realizar na estrada a administración titular desta, e quedará obrigada a persoa solicitante a retirar á súa conta os elementos instalados.

As autorizacións outorgadas para a realización de obras, instalacións ou actividades na zona de dominio público exclúen o aboamento á persoa interesada de calquera indemnización por razón dos danos e perdas ocasionados pola explotación e polo uso da estrada, incluídos os causados polo tráfico ou por calquera obra realizada na estrada pola administración titular desta, incluídas as de conservación. Nese caso, a reposición das obras e elementos amparados pola autorización será por conta da persoa interesada.

3. A autorización producirá efectos mentres permaneza o obxecto determinante do seu outorgamento e será transmisible previa notificación do cambio de titularidade a este servizo.
4. Se para a execución das obras, instalacións ou actividades fose necesario construír un acceso á estrada, deberá solicitarse previamente a preceptiva autorización de acceso neste servizo provincial.





Así mesmo, calquera outro tipo de obras que se pretenda realizar dentro da zona de afección da estrada, aínda que sexan complementarias da solicitada, como peches, canalizacións ou cruces subterráneos, acometidas, etc., que non comprenda a presente autorización, requirirán autorización expresa deste servizo.

5. Durante o tempo no que se manteñan as obras, deberanse tomar as precaucións necesarias para garantir a seguridade da circulación no treito afectado, colocando a sinalización e o balizamento regulamentario segundo a **Instrución 8.3-IC** sobre Sinalización, balizamento, defensa, limpeza e terminación de obras fixas fora de poboado, o Código de circulación, o Manual de exemplos de sinalización de obras fixas do Ministerio de Fomento e outras disposicións vixentes, sendo o petionario o responsable dos accidentes a que puidera dar lugar a insuficiente sinalización ou o mal estado de conservación ou colocación desta, debendo retirala tan pronto como se rematen as obras retire a instalación.
6. No caso de necesitar realizar cortes e desvíos do tráfico na execución das obras o solicitante deberá obter previamente a preceptiva **AUTORIZACIÓN da xefatura provincial de Tráfico**, segundo o recollido no artigo 37 do Regulamento Xeral de Circulación (RD 1428/2003), que xunto co artigo 39 regulan a ordenación especial de tráfico por razóns de seguridade e fluidez e a limitación deste.
7. As obras, instalacións ou actividades executaranse segundo a documentación presentada no expediente, no seu caso, e segundo as condicións impostas na autorización, sen interromper nin dificultar, agás casos excepcionalmente autorizados, a circulación pola estrada e garantindo, en todo caso, a seguridade viaria.
8. A persoa interesada porase en contacto co persoal deste servizo cunha antelación mínima de sete (7) días da data que prevexa para o inicio da obra e comunicará a identificación da persoa a que teña encomendada a dirección da actuación, cando non coincida coa persoa titular da autorización.
9. As obras, instalacións ou actividades autorizadas executaranse baixo a inspección e vixilancia do persoal deste servizo provincial cumprindo todas as condicións de garantía e seguridade establecidas polas disposicións vixentes e, ademais destas, o petionario aceptará as especiais que se poidan impoñer para a seguridade da estrada e do tráfico.





10. O titular da autorización será responsable de todos os danos e prexuízos ocasionados á estrada, á súa zona de influencia, a terceiros ou na súa propia actividade con motivo da realización da obra, actuación ou instalación autorizada, quedando obrigado a repoñer, ao seu cargo, os elementos da estrada que resulten afectados pola execución das devanditas actuacións, restituíndoos ás súas anteriores condicións de seguridade, funcionalidade e aspecto.
11. Durante a execución das obras:
 - Será de conta do petionario a boa conservación e limpeza permanente da obra, debendo retirar ó seu remate tódolos materiais sobrantes.
 - Non se autoriza a ocupación do dominio público para o almacenamento de materiais. Os residuos xerados nas obras serán xestionados adecuadamente, sen deixar ningún resto na zona de afección da estrada, nin na zona de dominio público.
 - Non se poderán verter á calzada, beiravías, foxos, desmontes ou terrapléns da estrada as augas das choivas, de escorregas ou arrastres ou calquera outros produtos ou materiais procedentes da construción autorizada.
 - Adoptaranse as medidas oportunas para que, ao executar as obras, non se prexudique o bo drenaxe da estrada e das súas obras de fábrica.
12. Logo de **rematada a actuación**, o interesado comunicará a este servizo provincial, cunha antelación mínima de sete (7) días, a data que preveza para o remate da devandita actuación.
13. O titular da autorización será responsable das operacións de conservación e mantemento requiridas pola obra, actuación ou instalación obxecto de autorización e que sexan necesarias para garantir a salubridade, accesibilidade, seguridade e funcionalidade menoscabadas como consecuencia do uso destas.
14. O incumprimento das condicións descritas nesta autorización dará lugar ás responsabilidades que se recollen nos Títulos IV e V da Lei 8/2013, do 28 de xuño, de estradas de Galicia, e no Regulamento xeral de estradas de Galicia, sobre protección do dominio publico viario e o réxime sancionador.



Contra esta resolución, que non pon fin á vía administrativa, poderá interpoñer recurso de alzada ante o director da Axencia Galega de Infraestruturas no prazo de un (1) mes, que se contará desde o día seguinte ao da recepción da súa notificación, de acordo co disposto nos artigos 121 e 122 da Lei 39/2015, do 1 de outubro, do Procedemento Administrativo Común das Administracións Públicas.

Mediante este documento notifícaselle esta resolución segundo o esixido no artigo 40.1 da Lei 39/2015, do 1 de outubro, do procedemento administrativo común das administracións públicas.

A Coruña, O xefe do servizo provincial Felipe De la Vega Gándaras (Sinatura dixital)

